

金匱翼

3

上海文瑞樓印

金匱翼卷五目錄

頭痛統論 風頭痛 熱厥頭痛 溼熱頭痛 寒溼頭痛 痰厥頭痛

腎虛頭痛 肝厥頭痛 食積頭痛 血虛頭痛 氣虛頭痛

偏頭痛 雷頭風 大頭痛

項背痛

臂痛

眩暈 風虛眩暈 肝厥頭暈 下虛眩暈 熱風頭眩

耳痛統論 風聾 厥聾 腎虛耳聾 膿耳聾耳

鼻淵鼻塞

舌脹舌出

口瘡

齒痛

咽喉 客熱咽痛 客寒咽痛 咽痛失音 咽喉妨悶 喉痺諸法

金匱翼卷五

飼鶴山人尤在涇先生怡集

長洲後學徐錦炳南氏讀

頭痛統論

頭象天。六腑清陽之氣。五臟精華之血。皆會於此。然天氣所發。六淫之邪。人氣所變。五賊之逆。皆能相害。或蔽覆其清明。或瘀塞其經絡。因與真氣相薄。而為痛也。因風而痛者。抽掣惡風。有汗而痛。因暑熱而痛者。或有汗。或無汗。則皆惡熱而痛。因濕而痛者。痛而頭重。遇天陰尤甚。因痰飲而痛者。亦頭昏重而痛。憤憤欲吐。因寒而痛者。惡寒而脉絀急。氣虛而痛者。遇勞則痛甚。其脉大。血虛而痛者。善驚惕。其脉芤。

東垣治頭痛。大率皆以酒芩酒連酒柏加風劑。如清室膏安神散清上瀉火湯之類。但雜用羌防升柴藁朮等藥。殊欠紀律。學者師其意可也。元珠茶調散簡要可用。

治頭風久痛。須加芎歸紅花少許。非獨治風。兼和血止痛也。細茶最能清上風熱。

久痛以之作引彌佳。東垣謙甫皆常用之。

許學士荊芥散。獨用荊芥治風。煨石羔治熱。何等簡要。東垣清心膏諸方。蓋師其意而擴充之。

風痰頭痛。多兼嘔逆眩暈。若用風藥。其痰愈逆。其痛益甚。和劑玉壺丸。乃是的確。東垣變為白朮半夏天麻湯。則兼氣虛而言之耳。

腎厥頭痛。肝厥頭暈。本事方論之最詳。

玉真丸。硫黃半夏溫降之力。彌大。石羔硝石。寒下之能甚長。夫陰氣上逆。其來最暴。治以純陽。必多格拒。故須羔硝為之佐使。令其相入而不覺其相傾耳。黑錫丹亦見此意。

茸珠丹有二方。一用硃砂鹿茸二味為丸。蓋亦補虛墜浮之意。一用硃砂同草烏瞿麥黃葯子火煨。獨取硃砂為末作丸。此不特硃砂經火有毒。即草烏之辛散。瞿麥黃葯之苦降。並已成灰。吹去不用。而顧需其相濟。詎可得耶。

搐鼻諸方。本事獨用辛溫。東垣河間並用辛涼。夫久畜之風。多化為熱。而閉鬱之氣。非溫不通。隨病斟酌。從少從多。則賢者之責也。

頭風餅子有用五倍子全蝎土狗各七個醋和作餅者用南星川芎等分同蓮鬚葱白搗爛作餅者有用草麻子乳香者有用大黃芒硝同井底泥搗貼者然外治之藥無論邪之寒熱並宜辛溫開達徒用苦寒鬱閉益甚苟非熱極不可輕用頭痛之因非止一端有風有寒有濕有熱有兼氣兼氣者如火與濕合內經所謂少陽司天之政二之氣其熱鬱於上頭痛嘔吐昏憤是也有火勝水復者內經所云歲金不及炎火廼行復則陰厥且格陽反上行頭腦戶痛延及腦頂發熱是也有胃實者經所謂頭痛耳鳴九竅不利腸胃之所生是也有腎厥者經所謂頭痛顛疾下虛上實過在足少陰巨陽甚則入腎是也有心熱者經所謂心煩頭痛病在膈中過在手巨陽少陰是也有痰飲者其病在脾東垣所謂太陰痰厥頭痛眼黑嘔吐悶亂亦濕勝也有內風者風從火化其病其肝不特厥陰之脉與督脉上會于顛蓋即肝藏冲逆之氣亦能上至顛頂也又有真氣不守厥而上行天門真痛上引泥丸名真頭痛多不可治古方云與黑錫丹灸百會穴猛進參附烏沉或有可生然天柱折者亦難為力矣

風頭痛

金匱要略 卷五
風頭痛者。風氣客于諸陽。諸陽之脉皆上于頭。風氣隨經上入。或偏或正。或入腦中。稽而不行。與真氣相擊。則痛。經云。風氣循風府而上。則為腦風是也。其挾寒挾熱。則隨症審而治之。

經驗治頭痛風熱痛不可忍者方。元珠名茶調散

小川芎一兩 香白芷五錢 細芽茶三錢 片黃芩二兩酒拌炒再拌再炒如是三次不可令焦

荊芥穗四錢 薄荷葉三錢

右細末。每服二三錢。茶清調下。一方有菊花防風殭蠶。

石羔散

石羔二兩炭火燒研細末 川芎一兩 炙甘草半兩

右為末。每服一錢。葱白好茶同煎湯調下。食後日二服。

一方決明子作枕去頭風明目佳。

本事白附散 治風寒客于頭中。疼痛牽引兩目。遂至失明。

白附子一兩 麻黃 川烏 南星各半兩

全蠍五個 乾薑 硃砂 麝香各二錢半

右為細末酒調一匙服畧睡少時效

三五七散 治風寒入腦頭痛惡寒目眩

防風 二兩 茱萸 炮薑 茯苓 各一兩五錢

細辛 炮附子 各七錢五分

右為細末每服二錢溫酒調下局方

芎辛湯 治風寒溼在腦頭痛眩暈嘔吐

川芎 三錢 細辛 白朮 各一錢半 甘草 一錢

右挫作一貼入生薑五片芽茶少許水煎服 濟生

東垣云高巔之上惟風可到故味之薄者自地升天者也所以頭痛皆用風藥治之然患痛人血必不活而風藥最能燥血故有愈治而愈甚者此其要尤在養血不可不審也

熱厥頭痛

熱厥頭痛者胃熱氣盛不能下行也其證頭中熱痛雖嚴寒猶喜風寒微來煖處或見烟火則痛復作其脉數或大者是也

小清空膏

片芩細切酒拌勻晒乾為末茶清調下

治熱厥頭痛方

大黃酒炒三次為末茶清調服

熱氣在頭以風藥引之則熱彌盛而痛益甚大黃苦寒瀉熱得酒則能上行瀉腦熱昔人所謂鳥巢高巔射而去之是也茶性清上故諸頭痛藥中多加用之
新定

生地

三錢

知母

酒炒

黃芩

酒炒各一錢

薄荷

黑山梔

甘菊

甘草

荊芥

各五分

紅花

三分

右作一服水煎食遠服便閉加酒炒大黃一錢五分此方治頭痛煩熱喜見風寒稍近烟火則痛復作或便閉不通者往往取效古法動作輒頭重

痛熱氣潮者屬胃

丹溪云頭痛如破酒炒大黃半兩茶清煎服

溼熱頭痛

溼熱頭痛者。溼與熱合。交蒸互鬱。其氣上行。與清陽之氣相搏。則作痛也。東垣云。諸溼熱頭痛。清空膏主之。又云。溼熱在頭而頭痛者。必用苦吐之。或用搐鼻藥。

清空膏 療風溼熱頭痛。上壅損目。及腦痛年深不止。

羌活

防風

各一兩

柴胡

七錢 川芎

五錢 炙草

二兩

黃連

炒一兩

黃芩

三兩 一半炒 製一半炒

右為細末。每服二錢。入茶少許。湯調如膏。抹在口內。少用白湯送下。臨卧

搐鼻散

青黛

石羔

芒硝

鬱金

薄荷

牙皂

右為末。搐鼻。東垣白芷散。有白芷。無牙皂。青黛。

又頭重如山者。溼氣在頭也。用紅豆散。

紅豆

十粒

麻黃

瓜蒂

各五分

連翹

羌活

各三錢 燒

右為末。搐鼻。

透頂散

本事

細辛

表白者 三莖

瓜蒂

七個

丁香

三粒

糯米

七粒

冰片

麝香

各一黑 豆大

右為極細末。每一大豆許。患人隨左右搐之。良久出涎一升許。則安。此藥

性味視前搐鼻散稍溫也。當隨證審而用之。

子和神芩丸

治溼熱壅滯頭目赤腫疼痛。大小便閉澀。

大黃

黃芩

各二兩 牽牛

生

滑石

各四兩

黃連

薄荷葉

川芎

各半兩

右為末。滴水為丸。梧子大。每服五十丸。食後溫水送下。

缺寒溼頭痛一門

鶴年補集

頭痛由于溼熱上壅者頗多。然亦有因寒溼者。金匱所云。頭痛鼻塞而煩。其脈大。自能飲食。腹中和無病。病在頭中寒溼故鼻塞。納葯鼻中則愈。愚以為本事透頂散。正治寒溼頭痛之劑。否則丁香細辛。治溼熱頭痛無乃以火救火歟。

痰厥頭痛

痰厥頭痛者。病從脾而之胃也。夫脾主為胃行其津液者也。脾病則胃中津液不得宣行。積而為痰。隨陽明之經上攻頭腦而作痛也。其證頭重悶亂眩暈不休。兀兀欲吐者是也。

半夏白朮天麻湯

治太陰痰厥頭痛。眼黑頭旋。惡心煩亂。肢冷身重。

半夏

陳皮

去白

麥芽

各七錢半

神麴

白朮

五錢

黃芪

炙

蒼朮

米泔浸

天麻 茯苓

人參

澤瀉各五錢半 黃柏二分 乾薑三分

稍熱服食前。一方加生薑一片。

外臺云。頭痛非冷非風。此膈有痰也。濃煎茶啜一二升。探吐之。吐已復吐。候苦汁出乃止。不損人。待渴自止妙。

茶調散子和 瓜蒂好茶二味等分為末。每二錢薑汁調。空心服之。取吐。

半夏茯苓湯 治熱痰嘔逆頭痛。

半夏二錢 赤苓一錢 陳皮去白 甘草各五分 黃芩五分 生薑三片 煎作一服。

頭痛連眼痛。此風痰上攻。用雨前茶川芎白芷防風天台烏藥細辛當歸為末。

湯調服。

防風飲子 療風痰氣發即頭旋嘔吐不食。

防風 人參 橘皮各二兩 白朮 茯苓各三兩 生薑四兩

右剉碎以水六升。煮取三升。去滓分溫四服。一日服盡。忌醋桃李雀肉蒜麴。

直指方云。二陳湯加荊芥。治頭風。兼治痰壅酒壅。又云。頭風證眉稜耳角俱。

痛。投以風藥不效。投以痰藥收功。眼目赤腫羞明而痛。與之涼劑弗效。與之。

痰劑獲愈也

玉壺丸 治風痰吐逆頭痛目眩胸膈煩滿飲食不下及咳嗽痰盛嘔吐涎沫

南星 生半夏各一兩生 天麻 半兩 頭白麵 三兩

右為細末滴水為丸梧子大每服三十九丸用水一大瓊先煎令沸下藥五七沸候藥浮即熟漉出放溫別用生薑湯下不計時 一方有白朮五錢雄黃水飛三錢半

東垣壯歲病頭痛每發時兩頰盡黃眩暈目不欲開嬾于言語身體沉重兀兀欲吐數日方退潔古老人曰此厥陰太陰合而為病名曰風痰以局方玉壺丸加雄黃白朮治之

芎辛導痰湯 治痰厥頭痛

川芎 細辛 南星 陳皮 去白 茯苓 各一錢半 半夏 二錢 枳實

甘草 各一錢

右作一服水二鍾薑七片煎至一鍾食後服

此導痰湯加川芎細辛為引使上行也方殊簡要

腎虛頭痛

腎虛頭痛者。腎陰不足。虛陽無附而上攻。素問所謂頭痛顛疾下虛上實。過在足少陰巨陽。許學士謂之腎厥頭痛是也。

玉真丸 治腎氣不足。氣逆上行。頭痛不可忍。謂之腎厥。其脈舉之則弦。按之

則堅。

硫黃 二兩 石羔 煨通 赤研 半夏 硝石 各一兩 研

右為細末。研勻。生薑汁和丸。桐子大。陰乾。每服二十九。薑湯或米飲下。更炙

關元百壯良。虛寒者去石羔。加鍾乳粉一兩。

黑錫丹 局方 治脾元久冷。上實下虛。胸中痰飲。或上攻頭目。及奔豚。上氣兩脇膨脹。五種水氣。脚氣上攻。或卒暴中風。痰潮上膈。并陰陽氣不升。

降等症

沉香 附子 葫蘆巴 肉桂 各半兩 茴香 破故紙 肉苳龜

金鈴子 木香 各一兩 黑錫 硫黃 與黑錫結砂 子各二兩

右為末同研。酒煮麵糊為丸。如梧子大。陰乾。以布袋擦令光瑩。每服四十九。

空心薑鹽湯送下。

一方有陽起石半兩巴戟一兩

肝厥頭痛

肝厥頭痛者。肝火厥逆。上攻頭腦也。其痛必在巔頂。以肝之脈與督脈會于巔故也。雖太陽之脈亦上額交巔。然太陽頭痛必惡風寒。而厥陰頭痛必多眩暈。或厥逆抽掣也。

龍薈丸

方見厥

加甘菊羚羊角。氣實便堅者用之。虛者宜生地羚羊角甘菊麥

冬之類。滋之清之。使肝柔則厥自己。

實體可用大苦大寒以洩降木火而虛者當和其陰而厥陽自降矣

抑青丸

左金丸亦效

黃連一味吳茱萸湯浸一宿為末粥丸。

瀉青丸

此苦寒以瀉肝火而佐以疎風養血因木喜條達且為藏血之所也升降並用補瀉兼施是為平肝之法

當歸

去蘆

龍膽草

川芎

梔子

川大黃

煨

羌活

防風

去蘆各等分

右為末煉蜜丸雞豆大每服一九竹葉湯全沙糖溫水化下。

食積頭痛

食積頭痛者。食氣上攻胃氣不清也。子和云。邪在胃而頭痛者必下之。其證必兼

痞膈噯酸噫敗卵臭或飽食則痛甚其脈右手滑盛者是也

館職張學士嗜酒散誕忽頭痛發熱醫作傷寒治之愈甚孫兆脈之右手脈甚數左手脈和平日此疾非傷寒學士好酒啖食所傷也遂用食葯五七丸經食久膈漸寬痛遂減再進利膈葯遂獲安

紅丸子

方見飲食門

治中湯

即理中湯加青皮陳皮等分

血虛頭痛

血虛頭痛者血虛脈空自魚尾上攻頭痛者是也產後多有此證魚尾眉骨後近

髮際是

魚尾在眉梢後陷中即然竹空穴是也

川芎當歸湯

芎歸辛溫為陰中之陽以和營氣也

川芎

當歸

等分

為細末每服二錢水煎溫服

一方

川芎

半兩

為末每服二錢臘茶調下甚效

一方 當歸 一兩 酒一升。煮取六合。飲至醉效。

一方 四物湯加甘菊 薄荷。四物養血加入二味以散風熱是補中有洩也

新定

生地 二錢 當歸 一錢 蔓荊 五分 黃芩 一錢 白芍 一錢 炙草 三分 甘菊 七分

川芎 五分 此方意亦同前。而疎風洩熱之力較勝。是補泄兼行之法。

氣虛頭痛

氣虛頭痛者。清陽氣虛不能上升也。其脈必弦微。其證必倦怠。氣短惡風寒不能食。

羅太無云。參謀柏仲實年六十餘。二月間患頭痛不可忍。邀往視之。其人云。近在燕京。患頭昏悶微痛。醫作傷寒治之。汗出後。痛轉加。復汗解。痛益甚。遂歸。每召醫用葯雷同。到今痛甚不得安卧。惡風寒而不喜食飲。診其脈弦微而細。氣短而促。嬾言語。內經曰。春氣者病在頭。今年高氣弱。清氣不能上升。頭面故昏悶。此病本無表邪。因發汗數四。清陽之氣愈虧。不能上榮。亦不能外固。所以頭苦痛。而惡風寒。不喜飲食。氣弱而短。宜升陽補氣。頭痛自愈。